

Transkription von Urkunde HST 1495a

Ort, Datierung: Stralsund, 1495-01-12

Signatur: Stadtarchiv Hansestadt Stralsund, StU 1800 [\[online\]](#)

Inhalt: Hinrick Schutinck: Pachtbeleg

Jck hinrick schutinck borgermester tome sunde myt myne(n) erue(n) boke(n)ne vn(de) betuge ape(n)bar(e) vor alleswem(e) jn dessem(e) breue alzo dene(n) zeli=/geher he(n)ny(n)ck ju(n)ge wandages Ratman tom(e) sunde jn syneme testame(n)te gaff ver(vn)de)twy(n)tich m(a)rck ewyges geldes jn su(n)te johans Closter / he(n)ny(n)ges erben(omeden) myt eren ewyge(n) nakomelinge(n) alle yar vppe sunte mertens dach hebbe(n) vn(de) bore(n) scholen to behoff des sulueste(n) closters so / nascreue(n) steit to lobbekenitz vppe wytow in deme kerspele to der olden kercke bolege(n) vte dessen beyden houe(n) alze va(n) dem(e) grote(n) haue bernd / strese(n) twelff m(a)r(k) vn(de) va(n) Clawes ordes haue ock twelff m(a)rck pacht vn(de) vte alle dess(en) sulue(n) houe tobehoringe(n) alzo de nu bogrepe(n) sint in alle eren / mate(n) ende(n) vn(de) scheyde(n) jd sy in acker in wysse(n) weyde(n) torue(n) more(n) holtinge(n) wateringe(n) myt aller vrigheyt herlicheyt vn(de) rechticheyt dar to / myt alleme nychte deme hogeste(n) vn(de) sideste(n) an hals vn(de) an hant to richtende na antale der vorscre(ue)n pacht myt aller nuth vn(de) vrucht de dar / nu ane is vn(de) noch in tokame(n)de(n) tyden ane werde(n) mach Myt alle nychtes vtgename(n) weret ock dat en desse vorscreue(n) pacht to rechte(n) tyde(n) / to dancke nycht en worde so hebbe(n) de testame(n)tarij myt ere(n) ewyge(n) nakomelinge(n) vullmacht dat se de moge(n) pande(n) late(n) vte den vorscre(ue)n beyde(n) / houe(n) vn(de) alle ere(n) tobehori(n)gen so vake en des noth vn(de) behoff wert donde sunder wedderstal va(n) jemande vn(de) myt den pande(n) touare(n) de alzo pacht / recht vthwyset Ock schal jck vn(de) wyl myt myne(n) erue(n) en desse vorscre(ue)n pacht vryen vn(de) entwere(n) vor alle plicht vn(de) vnplicht vn(de) dar to vor / alle ansprake vn(de) bowernisse aller persone(n) de vor recht kame(n) recht geue(n) vn(de) neme(n) willen Ock qwyt vn(de) vrig so dat ick edder myne erue(n) myt alle nychtesnicht in den vorscre(ue)n vervn(de)twyntich m(a)rcken pacht beholden vn(de) sette se mechtichliken auer an de erben(omeden) testame(n)ta/rien vn(de) ere ewyge(n) nakomelinge en de to brukende in desser nascreue(n) wyse jte(m) scholen se her Johan beuerma(n)ne deme gardiane to sunte / Johanse vn(de) sine(n) ewyge(n) nakomeli(n)gen to des closters behoff geue(n) alle verteygen dage na su(n)te mychaelis dage sôs m(a)rck sund(escher) Desgelike(n) / xiiii dage na winachte(n) ock sos m(a)rck vn(de) xiiii dage na paschen sos m(a)rck vn(de) verteygen dage na su(n)te joha(n)nis baptiste dage to mydde(n)/samere ock sos m(a)rck sund(escher) vn(de) alzo vortan to alle(n) nauolgende(n) verndel yars de sos m(a)rck vt togeue(n)de jn sodaner wyse alze hijr na scre(ue)n / steyt ane jenigerleye vorsumenisse vn(de) vortoch vn(de) so vake(n) eyen van dessen testame(n)tarien in god vorsteruet schole(n) de andere(n) de noch / leue(n) en ¹ andere(n) in des vorstorue(n) stede vulmechtich wedder kesen Jte(m) vor desse vorscrene(n) almysse(n) schal de erben(omede) gardyan myt sine(n) here(n) / vn(de) brodere(n) holde(n) alle yar achte memorien vn(de) bydden vor her he(n)nynck ju(n)gen von sine husfrouwe(n) sine kyndere sine oldere(n) vor her Johan ke=/wy(n)ge vn(de) sine husfrouwe(n) ene me(m)orie xiiii daghe vor ² Michaelis de ander xiiii dage na Michaelis Jte(m) xiiii dage vor wynachte(n) ene memorye vn(de) / xiiii dage na wynachte ock ene Desgelyken xiiii dage vor pasche(n) ene memorie vn(de) xiiii dage na pasche(n) ock ene jte(m) verteyge(n) daghe / vor su(n)te johanes baptiste(n) ene m(emo)rie vn(de) verteyge(n) dage na joha(n)nis ock ene memorie vn(de) alzo vortan to alle(n)

nauolge(n)de(n) verndelyars jö / twe memorien yslyke myt vigilien vn(de) selemissen to holdende
su(n)der vorsumenisse vn(de) vorleggÿnghe Alzo he myt syne(n) brodere(n) den testame(n)/tarien dat
gelauet vn(de) vorsegelt heft ewÿchlyken to holdende Dÿt allent vorscreue(n) laue(n) jck hinrick
Schutnick myt myne(n) erue(n) zelige(n) her / he(n)ny(n)ck ju(n)ge testame(n)tarie(n) vn(de) ere(n)
ewÿge(n) nakomely(n)gen to deserben(omeden) Closters behoff stede vn(de) vast wol toholdende
su(n)der jenigerleye argelyst des to groter tuchnisse vn(de) vaster vorwaringe hebbe ick hinrick
Schutynck my(n) jngesegel vor my vn(de) myne erue(n) wytlike(n) gehenget an dessen breff / Den
mede tor wytlycheyt v(m)me myner bedde wylle(n) also mechtÿge tuge vorsegelt hebben de
Ersame(n)ne ma(n)ne Alze her Sabel Ozeborne borger/mester tome su(n)de vn(de) Roleff Molre
Erfseten(e) borger dar sulues gegeue(n) vn(de) screue(n) na gades bort xiiii^C yar vn(de)
vÿffvndenegentich jÿar des man/dages vor sunte Anthonius dage des hilgen [...]

¹ en nachträglich übergeschrieben

² vor nachträglich übergeschrieben